

REFERAT IN - Innarluutillit pillugit Siunnersuisooqatigiit d. 16-05-2024

Mødedato Torsdag d. 16. maj 2024 kl. 15:00

Mødested Suliffeqarnermut Isumaginninnermullu Ataatsimiititap ataatsimiittarfia
Imaneq 34, 2. sal

Indholdsfortegnelse

Imaqarniliaq.....	3
-------------------	---

Punkt .: Imaqarniliaq

Inuit innarluutillit pillugit Siunnersuisooqatigiit ataatsimiinnerannit imaqarniliaq

Ataatsimiinneq sisamangorneq 2024-mi maajip 16-ianni nal. 15:00 ingerlanneqarpoq.

*Suliffeqarnermut Isumaginninnermullu Ataatsimiititap ataatsimiittarfia
Imaneq 34, 2. sal*

Ilaasortat

Karin Pedersen Thorsen (Siulittaasoq)	Inooqammi siulersuisunut ilaasortaq
Arnajaaq Lynge (Siulittaasup tullia)	Ilinniartitsisoq siunnersuisartaq aamma immikkut ittumik atuartitsinermi ilinniartitsisoq
Lisa Nielsen	Kalaallit Nunaanni Tusilartut Kattuffiat KTK-mi siulittaasoq
Cecilie Marie Hardenberg	Nunatsinni Inuit Innarluutillit Kattuffiat NIIK-mi siulittaasoq aamma Sugisami siulersuisunut ilaasortaq
Inge Olsvig Brandt	Kommunalbestyrelsimi ilaasortaq
Mathias Knude Brusgaard	Inunnut innarluutilinnut tarnimikkullu nappaatilinnut Immikkoortortaqaqarfirmi fagcheffi
Riikki Grønvold	Atuarfeqarnermut immikkoortortami fagcheffi
Vivi Christiansen	Innersuussisarfirmi Suleqatigiinnut aqutsisoq

Najuuttussaataasut

Naja Anelouise Heilmann	Inuit innarluutillit pillugit Siunnersuisooqatigiinni allatsi
-------------------------	--

Peqataasinnaanatik nalunaartut: Arnajaaq Lynge, Inge Olsvig Brandt, Cecilie Marie Hardenberg

Sugs id: EMN-2021-11568



Imarisai

Siunnersuisooqatigiinnit tunuarniuteqarneq	3
Illoqarfiit Pingaarnersaat pillugu Periusissiaq	3
Ulloq naallugu atuarfimmuut nutaamut najoqqutassat allaaserinerat pillugit tusarniaaneq	3
Inuit innarluutillit tapersersorneqarnissaannut Inatsisartut inatsisissaattut siunnersuut pillugu tusarniaaneq	3



Siunnersuisooqatigiinnit tunuarniuteqarneq

Inuit innarluutillit pillugit siunnersuisooqatigiinni ilaasortaq, Cecilie M. Hardenberg, Sugisamiit kiisalu NIIK-miit tunuarniuteqarnini 2024-mi aprillip ulluisa 18-ianni Inuit innarluutillit pillugit siunnersuisooqatigiinnut ilisimatitsissutigaa. Siunnersuisooqatigiinni sinniisooqarnissaq pillugu NIIK-mut attaveqarsinnaasut paasissutissiissutigaa.

Inuit innarluutillit pillugit siunnersuisooqatigiinni ileqqoreqqusaq eqqartorneqarpoq, ileqqoreqqusamilu allaqqavoq inuit innarluutillit pillugit kattuffiat ilaasortanik toqqaasinnaasooq. Ilaasortaassuseqarneq toqqaarneqarnerup nalaaniit inunnut ataasiakkaanut tunngasuusooq siunnersuisooqatigiinnit isumaqarfigineqarpoq.

Inuit innarluutillit pillugit siunnersuisooqatigiinni ilaasortaasooq inuit innarluutillit pillugit kattuffimmiit tunuarniuteqartillugu qanoq pisoqartassasooq ileqqoreqqusami erseqqissaatigineqarnissaa Inuit innarluutillit pillugit siunnersuisooqatigiinnit kissaatigineqarpoq. Erseqqissaassut ileqqoreqqusamut qanoq ilanngunneqarsinnaanersoq siunnersuisooqatigiinnit allaffeqarfimmut misissoqquneqarpoq. Ileqqoreqqusami allannguutissamut siunnersuut siunnersuisooqatigiit ileqqusumik ataatsimiinneranni qaqqineqarumaarpoq.

Illoqarfiit Pingaarnersaat pillugu Periusissiaq

Siunnersuisooqatigiit ataatsimiinneranni Inuit innarluutillit pillugit siunnersuisooqatigiinnit aalajangiunneqarpoq Kommuneqarfik Sermersuup illoqarfiit pingaarnersaat pillugu periusissiaq NUUK 2035 pillugu akuutitsilluni ataatsimiititsinermut sinniisumik peqataasooqassasooq. Ataatsimiinneq pissaaq 2024-mi maajip ulluisa 23-anni nal. 15:45 Nuummi Kommuneqarfiup Allaffeqarfiani pisortaqatigiit ataatsimiittarfiani. Periusissiami suut ilanngunneqarnissaat pingaarnepaanersoq sinniisuutitap isumaa Kommuneqarfik Sermersuumiit tusarneqarusuppoq.

Ulloq naallugu atuarfimmuut nutaamut najoqqutassat allaaserinerat pillugit tusarniaaneq

Nuummi ulloq naallugu atuarfiup suliarineranut allilerneranullu najoqqutassat pillugit allaaserisap suliarinerani Inuit innarluutillit pillugit siunnersuisooqatigiit peqataatinneqassasut Meeqqanut Atuarfeqarnermullu Ingerlatsivimmit kissaatigineqartoq ataatsimiinnermi ilisimatitsissutigineqarpoq. Inuit innarluutillit pillugit siunnersuisooqatigiit aalajangerput 2024-mi juunip ulluisa 14-ianni nal. 15:00 immikkut ittumik ataatsimiissasooq, tassanilu najoqqutassat allaaserinerat Meeqqanut Atuarfeqarnermullu Ingerlatsivimmit saqqummiunneqarlunilu siunnersuisooqatigiit siunnersuutaat oqaaseqaataallu allattussavaat. Najoqqutassat allaaserinerat piareerpat nassiunneqarumaartoq Meeqqanut Atuarfeqarnermullu Ingerlatsivimmit paasissutissiissutigineqarpoq.

Inuit innarluutillit tapersorsorneqarnissaannut Inatsisartut inatsisissaattut siunnersuut pillugu tusarniaaneq

Ataatsimiinnermi inuit innarluutillit tapersorsorneqarnissaannut Inatsisartut inatsisissaattut siunnersuutip tusarniaatigineqarnera qimerluuataarlugu Inuit innarluutillit pillugit siunnersuisooqatigiit Inunnut innarluutilinnut tarnimikkullu nappaatilinnut Immikkoortortaqarfimmi fagchefimit oqaaseqaatit allattornissaannik ikiorneqarput.

Siunnersuisooqatigiinniit tusarniaanermi ataatsimut akissutaasut, kommunip tusarniaanermi akissutaata ilaattut, siunnersuisooqatigiilli oqaaseqaataat immikkoortillugit, nassiunneqassasut fagchefimit siunnersuisooqatigiinnut ilisimatitsissutigineqarpoq. Siunnersuisooqatigiinni ilaasortat oqaaseqaateqaqqinnissaannut oqaaseqaatit nassiutissavaattaq.

